

## **2024KO OTSAILAREN 29AN GOBERNU BATZARRAK EGINDAKO OHIKO BILERAREN AKTA**

**MODUA:** Presentzialki

**TOKIA:** Batzar aretoa

**EGUNA:** Hogeita bederatzia

**HILABETEA:** Otsaila.

**URTEA:** Bi mila eta hogeita lau.

**HASIERAKO ORDUA:** Arratsaldeko bostak eta erdi

**BATZARRALDIAREN IZAERA:** Ohikoa

**DEIALDIA:** Lehena

**OSATZEN DUTEN PARTAIDEEN KOPURUA:** Sei (6)

**MAHAIBURUA:** Leire Artola Ugalde (EAJ-PNV)

**BILDUAK:** Adur Ugartemendia Leunda (EAJ-PNV)

Mariola Paredes Pascual (EAJ-PNV)

Hasier Agirre Elkoroberezibar (Beasaingo EH Bildu)

Eva Alvarez Atanes (Socialistas Vascos-Euskal Sozialistak)

Wesley Aritz Corsitto Agirre (ELKARREKIN PODEMOS EZKER ANITZA /

IU-ALIANZA VERDE).

**IDAZKARIA:** ITZIAR AROZTEGUI APAOLAZA

**1.- AURREKO AKTA.** 2024-01-25eko aktaren onespena.

Aipatutako aktaren berri eman ondoren, aho batez onartu da, berarekiko zer esanik ez dagoelako.

**2.- LURRALDE BATZORDEKO PROPOSAMENAK:**

a.- Hornidura eta instalazio kontratazioa.

**BEASAIN- ORMAIZTEGI BIDEGORRIAN LED KALE-ARGIAK HORNITU ETA MUNTATZEKO.** 2024PROB0001

Herritarrak Batzordeko proposamenaren berri eman da: Aipatutako lizitazioa egitea deialdia publikoa eginez, baldintza administratibo eta teknikoa onartuz.

1.- *Prozedura:* irekia publikitatearekin. Lizitazio elektronikoa.

2.- *Izapidetzea:* arrunta

3.- *Lizitazio prezioa:* 144.619,24 €, BEZ gabe.

4.- *Egikaritze epea:* 12 aste zuinketa akta sinatzen denetik kontaktzen hasita.

5.- *Kaudimen ekonomiko, finantzarioa:*

Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 144.619,24 € gutxienez.

6.- *Kaudimen teknikoa:* Azken 3 urteetan antzeko hornidurak egin izanaren zerrenda.

7.- *Aurkezteko epea eta lekua:* 26 egunekoa kontrataziorako plataforman iragarkia argitaratu eta hurrengo egunetik kontaktzen hasita . Lizitazio elektronikoa.

8.- *Adjudikazio irizpideak:*

Formula automatikoen bidez baloratzen ez diren irizpideak (40 puntu)

Memoria teknikoa (40 puntu)

Hurrengo fasera igarotzeko gutxienerako atalasea, %50ekoa da: 20 puntu.

Formula automatikoen bidez puntuatzeko irizpideak. (60 puntu)

- Eskaintza ekonomikoa. 50 puntu.

Atal hau ebaluatzeko, Zerbitzu Teknikoek alde aurretik homogeneousatuko dituzte, Puntuazioa ezartzeko, honela banatuko da:

0 puntu emango zaizkio lizitazioaren oinarriko aurrekontua berdintzen duen eskaintzari, eta 2 puntu gehituko zaizkio % 1eko beherapen bakoitzeko; gehienez 100 puntu emango dira, beherapenen batek % 50 gainditu ezean, orduan 100 puntu emango baitzaizkio, eta gainerakoa interpolatu egingo da.

$B_{max} \leq 50\% \gg P = 200 \times B$

$B_{max} > 50\% \gg P = 100 \times B / B_{max}$

Izanik,

P: Baloratu beharreko eskaintzaren puntuazioa.

B: Baja =  $1 - (\text{Eskaintako prezioa}) / (\text{Lizitazioaren gehieneko aurrekontua})$ .

$B_{max}$ : Onartutako gehieneko beherapena.

Horrela lortutako emaitzari atal ekonomiko honek puntu kopuru osoan duen portzentajea aplikatuko zaio.

- Pleguan ezarritako berme epea handiagoa proposatzea: 10 puntu.

Modu honetan balioztatuko da:

Agirian ezarritako berme epea baino luzeago bat aurkezten duen eskaintzaileak, hau da, 2 urtetik gorako berme epea, puntu 1,25 puntu eskuratuko ditu gehiegizko urte bakoitzeko, gehienez ere 10 puntura iritsi arte. (Gehieneko puntuazioa lortuko da eskaintzaileak 10 urteko berme-epea eskaintzen duenean, pleguari dagozkion 2 urte, gehi eskaintako bermea 8 urte). Berme-epe gisa pleguan ezarritakoa aurkezten duen eskaintzak (urte 2) zero puntu lortuko ditu.

Eskaintza anormalki baxutzat hartuko da onartutako eskaintzen batez bestekoa baino 20 puntu baxuagoa den baja duena. Eskaintza ekonomikoaren bideraezintasuna zehazteko parametro objektibotzat hartuko dira soldata-betebeharrei, gizarte-segurantzako kotizazioei, absentismoari, prestakuntzari, azterketa medikoei eta abarri erantzuteko beharrezkoak diren kostuak estaltzera iristen ez direnak.

9.- *Proposamenak irekitzeko lekua, eguna eta ordua*: plika irekitzea kontratistatzailearen profilean argitaratzen den tokian, egunean eta orduan egingo da.

10.- *Aurkeztu beharreko agiriak*: Lizitzaileek administrazio-baldintzen Pleguan adierazitako agiriak aurkeztu beharko dituzte.

11.- *Kontratua gauzatzeko baldintza bereziak*:

Kontratua egikaritzeko langile berriak kontratatzea beharrezkoa balitz eta enpresa kontratistak edo azpikontratistak emakumeen ordezkariak ez orekatua balu langileen artean, kontratua egikaritzeko eta egikaritze epe osoan zehar, gutxienez ere, emakume bat kontratatu beharko du langile berri moduan edo, gutxienez ere, aldi baterako kontratatutako emakume bati kontratu mugagabea egin beharko dio. Langile multzoa ez orekatua dela ulertuko da emakumeak guztizko langileen %40ra iristen ez direnean.

Hitz egiteko txanda eman ondoren, Hasier Agirre Elkoroberezibar (Beasaingo EH Bildu), zinegotziak esan ondo ona litzatekeela Ormaiztegiko bidegorriarekin lotura egitea, ibilbide horretan jende ugari ibiltzen delako eta Beasain udalerrria amaitzen den unetik aurrera argiteria eskasarekin geratuko delako.

Alkate andreak (EAJ-PNV) adierazi du Ormaiztegiko Alkatearekin egongo dela Beasaingo zatitik haratago argizatuta egon dadin eta argiteriari dagokionean Beasain-Ormaiztegi lotuta gera daitezen.

Bozketa eginda, aho batez onartu da proposamena.

b.- Obra ziurtagiriak:

- OBREN LIKIDAZIOA: BEASAINGO ALKARTASUNA LIZEOA HLHIKO FRONTOIKO TEILATUAREN ERABERRIKETA ETA IRISGARRITASUN ETA SEGURTASUN BALDINTZAK EGOKITZEA. 2023PROB0004

Aho batez onartu da, “*Beasaingo Alkartasuna Lizeoa HLHIko frontoiko teilatuaren eraberriketa eta irisgarritasun eta segurtasun baldintzak egokitzea*”ri buruzko obraren likidazioa, 58.739,05 €koa (BEZ barne)”

Ezagutzera eman da, desbiraketa Kontratu Legeak baimentzen duen %10a baino baxuagoa izan dela eta bi arrazoiengatik izan dela: neurketa akatsengatik eta obra-unitate berriak egiteagatik.

- HILERRIKO NITXOAK BERRITZEARI BURUZKO 2. ZIURTAGIRIA. 2023PROB0007

Aho batez onartu da, “*Beasaingo hilerriko nitxoak berritzeari buruzko obran*” 2. obra-ziurtagiria, 113.089,72 €koa (BEZ barne)”

- BEASAINGO IGARTZA JAUREGIRAKO IKUS-ENTZUN EKIPOAK HORNITU ETA INSTALATZEKO LANEN 1. HORNIDURA ZIURTAGIRIA, EUROPAR BATASUNAK FINANTZIATUTAKO BERRESKURATZE, ERALDATZE ETA ERRESILIENTZIA-PLANAREN BARRUAN - NEXT GENERATION EU. 2023PROB0010

Aho batez onartu da, “*Beasaingo Igartza Jauregirako ikus-entzun ekipoak hornitu eta instalatzeko lanen. Europar Batasunak finantziatutako berreskuratze, eraldatze eta erresilientzia-planaren barruan - Next Generation eu*” 1. obra-hornidura, 67.812,78 €koa (BEZ barne)”

### **3.- ESKAERA ETA GALDERAK**

Eskaera eta galderen atalean honelakoak aurkeztu dira.

DESEHORZKETAK

Eva Alvarez Atanes (Socialistas Vascos-Euskal Sozialistak) zinegotziak galdetu du nola doazen hilerriko desehorzketak. Horrezaz gain jakin nahi du Matxinbentako hilerria Beasainen kokatzen den.

Lehenengoari erantzunez, Alkateak jakinarazi du saiakerak egiten direla senideekin harremanetan jartzeko (telefonoz deitua edota eskutitzak bidaliz) eta lortzen ez bada

Gipuzkoako Aldizkari Ofizialean iragarria txertatzen dela. Inork ez badu erreklamatzeko hezurtegi orokorrera eramaten dira.

Bigarren galderari erantzunez Alkateak esan du Beasainen dagoela baina irisgarritasun arazo duela. Garai batean zerraldoa sorbalda gainean eramaten zuten, baina orain traktoreekin moldatzen dira. Gai honetan ere ohiturak aldatzen ari direnez eta beste irtenbide batzuk daudenez, belaunaldi gazteentzako ez da arazo hain garrantzitsua.

Eta tratatzeko besterik ezean, bilera arratsaldeko seiak laurden gutxiagotan amaitu da eta nik idazkari naizen honek, akta hau idatzi eta sinatu dut.